



ՄԱՆԿԱԿԱՆԺԱԿԱՆ ՀԱՄԱԼՍԱՐԱՆ

17 ՄԱՅԻՍԻ
2024 թ.
№ 9 (1125)

Թերթի առաջին համարը լույս է տեսել 1965 թ. մարտի 11-ին
Երկշաբաթաբերթ • Իրատարակման 57-րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐՃԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

ԵՐԹ ԴԵՊՒԻ ՀԱՂԹԱՆԱԿԻ ՀՈՒՇԱՀԱՄԱՎԻՐ



Հրաչյա ՍԱՐՈՒԽԱՆ

ՀԱՅԱՍՏԱՆ

Դու իմ հետադարձ հասցեն ես միակ
Եվ իմ եզակի ճակատագիրը,
Իմ բաց երգերը, իմ վերքերը փակ,
Իմ հիշատակաց միակ Երկիրը...
Անկրկնակոշիկ Ըամապատմության
Սայթաբումները մեզ աղավաղել
Եվ թաց երգերս փակ վերքերիս մեջ
Սատանայաբար փորձել եմ թաղել:
Որպեսզի դառնամ թափառող ծրար՝
Չունենամ նույնիսկ

հետադարձ հասցե,

Բայց մենք վերստին

փարվել ենք իրար

Ու հուսաբանել՝ Տեր, մի արասցե...

Դու իմ հետադարձ

հասցեն ես միակ,

Իմ անկրկնելի ճակատագիրը,

Իմ բաց երգերը, իմ վերքերը փակ,

Իմ հիշատակաց միակ Երկիրը:



2024 թվական: Մայիսի 9: Լրացավ
Հայրենական մեծ պատերազմում սո-
վետական ժողովրդի տարած հաղթա-
նակի 79-րդ տարին: Հաղթանակ, ո-
րում մեծագույն սխրամբով իր սուրը
փառքով պատյան դրեց հայ ժողովուր-
դը:

Տարիների հետ այդ պատերազմի
մասնակիցների թիվը նոսրանում է,
տարիներ առաջ Մանկավարժական
համալսարանի երթը առաջնորդում
էին բուհի պատերազմի վետերաննե-
րը, որոնք այսօր արդեն չկան: Համալ-
սարանականների երթին մի առանձին
շուք էին հաղորդում նրանց կրծքների
փայլող շքանշանները:

Արցախյան պատերազմը ի չիք
դարձրեց մեր մայիսյան փառահեղ հաղ-
թանակները. մայիսյան եռատունը դարձ-
րեց հիշողություն: Ահա ինչու, արդեն քա-
նի տարի, Մայիսի 9-ը տարբերվում է նա-

խորդներից՝ մայիսյան եռատունով
հպարտանալու զգացողության բացա-
կայությամբ պայմանավորված:

ԽՍՀՄ մյուս ժողովուրդների հետ
հայ ժողովուրդը պայքարել է ֆաշիս-
տական Գերմանիայի դեմ: 1941 թվա-
կանի հունիսից մինչև 1945 թվականի
մայիս խորհրդային բանակ է զորակոչ-
վել մոտավոր 500 հազար հայ: Ընդ ո-
րում հայ ժողովուրդն այդ պատերազ-
մում տվել է 64 գեներալ, ԽՍՀՄ 106
հերոս, 4 մարշալ և 1 ծովակալ: Ծովա-
յին 6 օդաչուների թվում եղել է Նելսոն
Ստեփանյանը: Պատերազմի ընթաց-
քում ձևավորվել են վեց՝ 76-րդ, 89-րդ,
390-րդ, 409-րդ, 408-րդ և 261-րդ հայ-
կական դիվիզիաները:

Հայրենական մեծ պատերազմին
մասնակցած հայ ժողովրդի զավակ-
ների փառքը երբեք չի խամրի. ոչ ոք
չի մոռացվել, ոչինչ չի մոռացվել:

Նրանց մեծ մասը հիշողություն է դար-
ձել, նրանց մասին պատմություններով
դաստիարակվող սերունդը պետք է
շարունակի ապրել նրանց հայրենասի-
րության դասերով: Փառք ու պատիվ
բոլոր նրանց, ովքեր վտանգելով ի-
րենց կյանքը, խիզախորեն պայքարե-
ցին և սխրանքների գնով մոտեցրին
հաղթանակը:

Խաչատուր Աբովյանի անվան հայ-
կական պետական մանկավարժական
համալսարանի պրոֆեսորադասախո-
սական կազմը և ուսանողները Մայի-
սի 9-ի վաղ առավոտյան համալսարա-
նի բակում՝ Արցախի առաջին պատե-
րազմում զոհված համալսարանական-
ների հիշատակը հավերժացնող հու-
շաբարի մոտ, ծաղկեպսակ դրեցին, ա-
պա ռեկտոր Սրբուհի Գևորգյանի
գլխավորությամբ հիշատակի երթ ի-
րականացրին դեպի Հաղթանակի հու-

շահամալիր, որտեղ ևս ծաղկեպսակ
դրեցին ու ծաղիկներ խոնարհեցին հայ
զինվորի հիշատակը հավերժացնող
անմար կրակի մոտ՝ հարգանքի ու հի-
շատակի տուրք մատուցելով Հայրե-
նական մեծ պատերազմում զոհված
հայորդիների հիշատակին:

Նոր սերունդը Արցախի երկրորդ
պատերազմում հայրենասիրության ու
հերոսության բազմաթիվ օրինակներ
տվեց և ապացուցեց, որ նախորդնե-
րից ժառանգած հայրենապաշտույթ-
յան կրողն է:

«Կա մի բան, որ աշխարհի
զանազան ծայրերից կարող է
միավորել հայերին հոգով,
մտքով և արյունով, այն է՝ ազ-
գային սերը»:
ՐԱՅՅԻ

Մանկավարժական համալսարանում էր Սերբիայի դեսպանը

Մանկավարժական համալսարանի ռեկտոր Սրբուհի Գևորգյանը մայիսի 15-ին հյուրընկալեց Հայաստանում Սերբիայի արտակարգ և լիազոր դեսպան Տատյանա Պանայոտովիչ-Ցվետկովիչին:

Հանդիպմանը ներկա էին նաև բուհի Աշխատակազմի և միջազգային համագործակցության, Ուսումնագիտական գծով պրոռեկտորներ Մարիաննա Հարությունյանն ու Մարիամ Իսպիրյանը:

Դեսպանն ընդգծեց՝ առաջին անգամ չէ Մանկավարժականում. կարևորում են բուհի հետ ակտիվ գործակցությունը, իսկ հայ-սերբական դիվանագիտական հարաբերությունների հաստատման 30-ամյակի շրջանակներում պատրաստ են քննարկել նոր ծրագրեր իրականացնելու հնարավորություններն ու համագործակցության ընդլայնումը:

Տատյանա Պանայոտովիչ-Ցվետկովիչն անդրադարձավ մասնավորապես Մանկավարժականում սերբերենի ուսուցման բաժին բացելու հեռանկարներին: Նա նշեց, որ աշխարհում մասնաբաժին գործում է 3 երկրում միայն: Պաշտոնավարման ընթացքում հասկացել է՝ կա սերբերենի թարգմանիչների անհրաժեշտություն:

Ռեկտոր Սրբուհի Գևորգյանը ողջունեց դեսպանին մանկավարժական



մայր բուհում հյուրընկալվելու առթիվ և հավաստիացրեց՝ պատրաստ են ծավալել արդյունավետ համագործակցություն՝ ի նպաստ հայ-սերբական հարաբերությունների ամրապնդման նաև կրթության ոլորտում:

Ռեկտորը նկատեց՝ ծրագիրն իրագործելուց առաջ, նախ պետք է հաշվի առնել, որ Մանկավարժականը ուսուցիչներ պատրաստող բուհ է. անգլերենից և ռուսերենից բացի, տարեցտարի նվազում է լեզուներ ուսումնասիրել ցանկացող դիմորդների քանակը:

Սրբուհի Գևորգյանը հավելեց՝ բուհն ունեցել է նմանատիպ փորձ. կարծում է, որ նախ անհրաժեշտ է մոնիթոր

ինգ անցկացնել, ապա, ըստ անհրաժեշտության և պահանջի, իրագործել ծրագիրը:

Աշխատակազմի և միջազգային համագործակցության գծով պրոռեկտոր Մարիաննա Հարությունյանն էլ լեզվի ուսուցման հնարավորությունը իրատեսական համարեց բուհում մշակույթի կենտրոնի հիմնմամբ և սերբական բուհերի հետ համագործակցության շրջանակներում:

Պրոռեկտորը ներկայացրեց այլ երկրների, մասնավորապես՝ Բուդապեշտի Պիտեր Պազմանի կաթոլիկ համալսարանի հետ համագործակցության փորձն ու ընդգծեց՝ պատ-

րաստ են գործակցել նաև Էրազմուս + ծրագրի շրջանակներում:

Մարիաննա Հարությունյանը հավելեց՝ Մանկավարժականում տևական ժամանակ գործում է չինարենի, ռուսերենի կենտրոններ. առաջիկայում նախատեսվում է հիմնել հունգարական մշակույթի կենտրոն՝ նպաստելով լեզվի հանրահռչակմանը:

Կողմերը քննարկեցին լեզվի ուսուցման ներկայիս դժվարությունների, ուսանողների հետաքրքրվածության բարձրացման, դասավանդման մեթոդիկաների, ծրագրի իրագործման այլընտրանքային հնարավորությունների մասին:

Դեսպան Տատյանա Պանայոտովիչ-Ցվետկովիչը հանդիպմանը ներկայացրեց նաև «Աշխարհը Սերբիայում» կրթաթոշակն ու այն հնարավորությունները, որ ծրագիրն ընձեռում է հայ ուսանողներին:

Կողմերը հույս հայտնեցին, որ համատեղ ջանքերի շնորհիվ կրթական ոլորտում կշարունակեն ամրապնդել հայ-սերբական հարաբերությունները, իսկ համատեղ նախաձեռնությունների իրականացումը կնպաստի համագործակցության արդյունավետությանը:

Մարին ԱՂԵԿՅԱՆ

Ամփոփեցին մեկամսյա այցի արդյունքները



Ապրիլի 12-ին մեկամսյա ժամանակահատվածով Մանկավարժական համալսարան էին այցելել Ղազախստանի Աբայի անվան մանկավարժական համալսարանի Մանկավարժության և հոգեբանության ինստիտուտի Հատուկ մանկավարժության ամբիոնի 4 դոկտորանտ՝ նպատակ ունենալով ծանոթանալ Մանկավարժական համալսարանի գիտական գործունեության առանձնահատկություններին, համալսարանի փորձին, կրթական ծրագրերին, առցանց դասավանդման ձևաչափին:

Դոկտորանտները արտասահմանյան գիտական ղեկավար էին ընտրել ընտրել ՀՀԿԿ Լոգոպեդիայի և վերականգնողական թերապիայի ամբիոնի դոցենտ ժամանա Պայլոզյանին:

Մայիսի 8-ին նրանց ընդունեց



ՀՀԿԿ պրոռեկտոր Մարիամ Իսպիրյանը՝ ամփոփելու ղազախ դոկտորանտների՝ համալսարանում գտնվե-

լու գործունեության արդյունքները:

Ղազախ գործընկերները համալսարանում գտնվելու մեկամսյա այցի ընթացքում, ներառական և համընդհանուր ներառական կրթության ուղղություններով՝ իրենց հետաքրքրությունների շրջանակում, ժամանա Պայլոզյանի ուղեկցությամբ հաճախել են Երևանի տարբեր ուսումնական հաստատություններ: Ժամանա Պայլոզյանը պարբերաբար անց է կացրել անհատական խորհրդատվություն յուրաքանչյուրի համար՝ կապված թեզերի և հոդվածների հետ, եղել են Հատուկ կրթության ֆակուլտետում, համալսարանի գրադարանում, ուսումնասիրել են իրենց ո-

հատուկ հանդիպումներ են ունեցել Հատուկ կրթության ֆակուլտետում ու ՀՀԿԿ գիտական կենտրոնում:

Մեկամսյա գործունեության ընթացքում նրանք հասցրել են ծանոթանալ իրենց անհրաժեշտ բոլոր նյութերին, համալսարանում արժանացել ջերմ ու բարյացակամ վերաբերմունքի, ինչի առթիվ արտահայտեցին իրենց գոհունակությունը: Կրթական ծրագրերի տեսանկյունից, համեմատելով իրենցը, նրանք ընդգծեցին որոշ ընդհանրություններ և առանձնահատկություններ:

Ժամանա Պայլոզյանն էլ շնորհակալություն հայտնեց պրոռեկտոր Մարիամ Իսպիրյանին՝ բոլոր հարցերում իրենց աջակցելու համար:

Պրոռեկտոր Մարիամ Իսպիրյանը սերտֆիկատներ ու խորհրդանշական նվերներ հանձնեց հյուրերին, տեղեկացրեց, որ նրանց համալսարանի ղեկավարությունն էլ ցանկություն է հայտնել այցելելու Խաչատուր Աբովյանի անվան հայկական պետական մանկավարժական համալսարան:

«Հուսանք, որ մեր համագործակցությունն էլ ավելի կընդլայնվի՝ ձեռք բերելով նոր՝ ավելի բարձր մակարդակ», -ասաց Մարիամ Իսպիրյանը:

Որպես երկրորդ կուրսի ուսանողներ՝ նրանք դեռ աշխատանքներ ունեն իրականացնելու, հոդվածներ կտպագրեն մեր համալսարանի պարբերականներում և բարձր վարկանիշ ունեցող պարբերականներում:

Սիլվա ԱՍՐՅԱՆ



ՈՒՍՈՒՅՁԻ ԻՄ ՕՐԻՆԱԿԸ



ԵՐԵՎԱՆԻ ԵՄ ՈՒՍՈՒՅՁԻ ՄԱՍՆԱԳԻՏՈՒԹՅՈՒՆԸ՝ ԻՐԱՎՈՒՆՔ ՉՈՒՆԵՄ ԱՆՀԱՆՁԵԼՈՒ

1995 թվականի սեպտեմբերին ուսանողական նստարանից անմիջապես հետո աշխատանքի անցա...

Ավարտել են ԵՊՀ բանասիրության ֆակուլտետը: Ընդգծեն, որ ավարտել են այդ նույն դպրոցը և վերադարձա...

Այս պայմաններում երեխաներից դժվար էր լիարժեք դաս պահանջել կամ մոտիվացնել: Ընկերացա...

Եղել են նաև այլ դժվարություններ, հիասթափություններ, բայց մեջքս չտկել են ու շարժվել առաջ, որովհետև գիտակցել են, որ եթե ընտրել են ուսուցչի մասնագիտությունը, ուրեմն իրավունք չունեն մահանջելու, որովհետև սերունդների դաստիարակության գործը նաև ինձ է վստահված, որովհետև եթե սիրում ես աշխատանքը, ապա կհարթես բոլոր դժվարությունները:

Տարիների ընթացքում հասկացել են դպրոցի կարևորությունը, հասկացել, որ յուրաքանչյուր ազգի համար հացից հետո զխափորը դպրոցն է, իսկ մորից հետո՝ ուսուցիչը (ժողով ժակ Դանտոն):

21-րդ դարի սովորողների հետաքրքրություններն այլ են: Դասավանդողը պետք է ամեն կերպ բարձրացնի մանկավարժական որակավորումը, ձգտի իր նկարագրով ու վարքագծով հեղինակություն վայելել, հավատ ու վստահություն ներշնչել, տեղեկացված ու հաղորդակից լինել նոր գործընթացներին և ամեն կերպ նպաստել ուսուցման մթնոլորտի ձևավորմանը: Սա բարդ, հարատև, բայց միաժամանակ կարևոր և պատասխանատու գործ է: Կցանկանամ, որ դպրոց ոտք դնող յուրաքանչյուր անձ գիտակցի այս ամենի կարևորությունը:

Գոհար ԳԱԼՍՅԱՆ Ավարդի քաղաքի 3-րդ դասարանի անվան N 2 հիմնական դպրոցի հայոց լեզվի և գրականության ուսուցչուհի


ՄԱՆԿԱԿԱՐԺԻ ՄԱՍՆԱԳԻՏՈՒԹՅԱՆ ՄԱՍԻՆ ԱՆՎԵՐՁ ԿԱՐԵԼԻ Է ԽՈՍԵԼ...

Վերոնյալ կարծիքին են Սկզբնական կրթության ֆակուլտետի երկու ուսանողուհիներ՝ Արուսը և Կարինեն: Վերջերս նրանք հյուրընկալվել են «ԱյբՓող» փողբաստին, որտեղ և գրուցել են մանկավարժի մասնագիտության և իրենց ընտրության մասին:

Հրավերն ստանալով՝ շատ ոգևորվեցինք, քանի որ սիրում ենք պատմել մեր մասնագիտության մասին խոսել, իրազեկել հանրությանը և դիմորդներին՝ մշելով թե ինչ առաքինի և վեհ մասնագիտություն է ուսուցչի մասնագիտությունը: Քննարկման ժամանակ մենք պատասխանել ենք այն հարցին, թե ինչու ենք ընտրել ուսուցչի մասնագիտությունը, եթե աշխարհում բազմաթիվ ավելի բարձր վարձատրվող մասնագիտություններ կան, որոնք էլ գրավում են երիտասարդներին: Մեր պատասխանը եղել է միանշանակ՝ սերը երեխաների հանդեպ, և այն բարձր պատասխանատվությունը, որ ապագա սերունդների կրթությունը մեր ձեռքերում է, և հենց մենք ենք առանցքային նշանակություն ունենալու պետականաշինության մեջ: Այս և շատ այլ հանգամանքներով պայմանավորված՝ շարունակում ենք տեր կանգնել մեր մասնագիտությանն ու պատվով պահել մանկավարժի կոչումը:

Ներկայացրել ենք, թե որքան կարևոր է ուսուցչի դերը մտածող, արժանապատիվ հասարակություն ձևավորելու գործում: Խոսել ենք, թե ժամանակակից աշխարհում որքան մարտահրավերների և դժվարությունների ենք հանդիպում ուղրտում, բայց միաժամանակ որքան պատվաբեր ու արժանապատիվ է մեր կատարած գործը:

Շատ կարևոր է նաև ամենօրյա կարգով ինքնակրթությամբ զբաղվելը: Մենք մեծ ոգևորությամբ ներկայացրինք համալսարանի՝ կողմից առաջարկվող ինք-



նակթվելու հնարավորությունները՝ միջոցառումների, գիտաժողովների և ուսումնաճանաչողական այլ ծրագրերի տեսքով, սեփական օրինակով կիսեցինք ինքնակրթությանն ուղղված մեր փորձառությունը: Իսկ վերջում դեռահասներին հորդորեցինք՝ մասնագիտական կողմնորոշման հարցում գիտակցված որոշումներ կայացնել և ձգտել լինել ընտրած ոլորտի լավագույն մասնագետը:

Կարինե ԱՎԱԼՅԱՆ Սկզբնական կրթության ֆակուլտետ Նախադպրոցական մանկավարժություն և մեթոդիկա, 3-րդ կուրս

Արուս ԱՅՎԱԶՅԱՆ Տարրական մանկավարժություն և մեթոդիկա 3-րդ կուրս

ՈՒՍԱՆՈՂԻ ՕՐԱԳՐԻՑ

ԻՄ ՀԱՄԱՄԱՐԱՆԸ՝ ԱՆՓՈՒՆԱՐԻՆԵԼԻ ՄԻՋԱՎԱՅՐ

Հինգերորդ դասարանի աշակերտուհի էի, երբ որոշեցի, որ ցանկանում եմ ուսուցիչ դառնալ: Հասակակիցներս ունեին բազմազույն երազանքներ՝ տիեզերագնացից մինչև դերասան: Ի հակադրություն նրանց դյուրափոփոխ նպատակների՝ ինձ չափազանց հստակ էր. տասը տարեկան երեխայի համար օժտված էի զարմանալի վճռականությամբ: Տարիներն անցնում էին՝ խորացնելով թե՛ գիտելիքներս, թե՛ սերս հայոց լեզվի և գրականության հանդեպ: Որքան հասունանում էի, այնքան գիտակցում էի մայրենի լեզվի մարտիկ դառնալու, սերունդ կրթելու պատիվը և պատասխանատվությունը, մանավանդ որ մեծացել եմ մանկավարժների ընտանիքում:

Հասավ այն կետը, որից բեկվելու էր կյանքիս ուղին, և որից հետո մտնելու էի մեծ կյանք: Հանձնեցի ընդունելության քննություններն ու ընդունվեցի համալսարան: Այն ավետաբեր օրը, երբ իմացա, որ արդեն ուսանող եմ, քաղցր հիշողություններիս տնակի պատվարժան բնակիչն է: 2022 թվականի հուլիսի 18. ստացա հաղորդագրություն, որ ընդունվել եմ ՀՊՄՀ բանասիրական ֆակուլտետի առաջին կուրս, անվճար համակարգ: Տանը մենակ էի. ամառային պայծառ և արևազարդ օրը ջերմացնում էր սիրտս՝ քշելով վախերի ու անորոշության մռայլ ամպերը: Ես երջանիկ էի: Մայրիկս աշխատանքի էր. լսելով ուրախալի նորությունը՝ հուզվեց և ասաց, թե որքան է հպարտանում ինձնով: Արևային երեկո էր, երբ իմ գերագույն արևը՝ մայրս, վերադարձավ աշխատանքից՝ վարդերի փունջ ձեռքին, և ամուր-ամուր գրկեց ինձ, այնքան ամուր, որքան կարող եմ թույլ տալ անբացատրելի հպարտությունն ու անսահման սերը: Նման

հուզական պահերի մասին միայն գրքերում էի կարդացել: Դուրս եկանք զբոսնելու, տեսանք համալսարանի պատին փակցված ցուցակը. անվճարների շարքում առաջինն իմ անունն էր:

Խորհրդավոր երեկոն ամբողջացավ բազում շնորհավորանքներով, որոնցից հիշարժան է ուսուցչուհուս շնորհավորանքը: Ամառն անցավ սպասման մեջ. մեծարենցյան արտահայտությամբ՝ «ըստպասման հիվանդն» էի: Ես սպասում էի մի նոր ժամանակաշրջանի, որ բացվում էր իմ առաջ՝ իր հետ բերելով հասունացում, գիտելիքներ ու հնարավորություններ:

Եկավ սեպտեմբերի 1-ը, որին անսահման երկար էի սպասել: Մուտք գործեցի մի շենք, որը պիտի դառնար ամենահարազատն ու արժեքավորն ինձ համար: Գնացինք ընթերցասրահ: Դեկան Աշոտ Գալստյանը շնորհավորեց բանասերների հզոր բանակին անդամագրվելու կապակցությամբ: Հաջորդեցին ամբիոնների վարիչների ելույթները: Հասկացա, որ արժանացել եմ մեծանուն ու հայրենամվեր գիտնականների սանը դառնալու պատվին:

Համալսարանն ինձ տվեց նաև անչափ սիրելի ու հարազատ ընկերներ, որոնց հետ շփվում եմ անընդմեջ՝ համալսարանում, տանը, համալսարանից դուրս: Հոգեկից ընկերներս ամեն օրս վերածում են տոնի: Այսքանը իմ՝ ուսանող դառնալու ջերմ հուշերից: Շնորհիվ դասախոսներիս և ընկերներիս՝ համալսարանն ինձ համար դարձավ մի անփոխարինելի ջերմաշունչ միջավայր, որտեղ ես ինձ հզոր եմ զգում:

Սուսաննա ՀԱՐՉՅԱՆ Բանասիրական ֆակուլտետ, 2-րդ կուրս

Ամուր ընտանիք՝ հզոր հայրենիք

Յուրաքանչյուր հայ մարդու համար ընտանիքը ամենամեծ արժեքն է, քանզի ամուր ընտանիքը հզոր հայրենիքի գրավականն է:

Հետաքրքիր, հայրենապաշտ միջոցառումներով աչքի ընկնող համալսարանական Վ. Թոթովենցի անվան N 57 հիմնական դպրոցում մայիսի 15-ին հերթական միջոցառումն էր՝ «Ամուր ընտանիք-հզոր հայրենիք» խորագրով: 3ա դասարանի դասավար Կարինե Զիրուխյանը հոգում է, որ երեխաները դպրոցական նստարանից հասկանան ինչ է ընտանիքը, արժևորեն ծնողներին, քույրիկ-եղբայրներին, սիրեն իրար և ջերմություն պարզեն միմյանց, որ յուրաքանչյուր հայ ընտանիք տոգորվի հայրենիքի՝ Հայաստան աշխարհի սիրով:

Եվ ահա փոքրիկները՝ գունագեղ հագուստներով, դպրոցի բակում ասմունքեցին, երգեցին ու նաև շուրջպար բռնեցին մայրիկների հոտ: Որքա՛ն ջերմություն, սեր ու կարոտ կար նրանց հայացքներում ու ժպիտներում, որքա՛ն սեր դեպի ընտանիքն ու հայրենիքը: Ընտանիքում ու դպրոցում մեծերը ձգտում են հենց այսպես դաստիարակել փոքրիկներին, մանկուց սովորեցնել հարգել ընտանիքի յուրաքանչյուր անդամին, ծնողներին, որոնք իրենց կյանքն իմաստավորում են, ցույց տալիս կյանքի ճիշտ ուղի:

«Ընտանիքի օրն է այսօր, ավելի գեղեցիկ տոն չկա գուցե, այսօր բոլորիս օրն է, յուրաքանչյուրիս կարևորության, նշանակալի լինելու օրը, ընտանիքն այն վայրն է, որտեղ դու իսկապես պետք է ապահով զգաս, ընտանիքն այն վայրն է, որտեղ քեզ հետ ուրախանում ու տխրում են...», - հնչում է երեխաների շուրթերից: Նրանք արժևորում են ընտանիքի յուրաքանչյուր անդամին՝ մայրիկին և հայրիկին նվիրված մանկական ուրախ երգերի հնչյուններով լցնում դպրոցական բակը, ուր հանդիսատեսը ծնողներն են և ուսուցիչները:



Փոքրիկները բանաձևում են ընտանեկան երջանկությունը՝ ընտանեկան երջանկության բանալին բարոությունն է, փոխադարձ հարգանքն ու վստահությունը: Ես գունավոր մատիտներով,

յուղաներկով
Նկարեցի մի սիրուն տուն և
Հայրենիք անվանեցի...

Երգում են փոքրիկները և հասկանում՝ հայրենիքն սկսվում է յուրաքանչյուրի տնից, հայրենական օջախից:

Երրորդիկները կարևորում են սերը, «առանց որի չի ստեղծվի ընտանիք», իրար լրացնելով ընդգծում են բոլոր այն կարևոր արժեքները, որոնցով ամբողջաբան են ընտանիքները՝ իրարից այնքան տարբեր, բայց նաև իրար այնքան մեծաներողամտությամբ, իրար օգնելու պատրաստակամությամբ:

Երբ քույրիկս կայտառ դեմքով
գալիս է տուն,
Թվում է, թե գյուղի դաշտից
ծաղիկներն են մտնում մեր տուն:
Ապա՝
Երբ մայրիկն է գալիս հոգնած,
բարի, ժպտուն,

Թվում է, թե վառ արևն է գալիս
մեր տուն:

Այսպես երգ ու բանաստեղծություն են ծոնում տան յուրաքանչյուր անդամին, ընդգծում յուրաքանչյուրի կարևորությունը, ապա բարձրաձայնում՝ կեցցե այն ընտանիքը, որը պիտանի գավակ է դաստիարակել:

Երեխաները վերստեղծում են ընտանիքի ծաղիկը, որի թերթիկները կորցրել են. տեղադրում են թերթերը՝ ասելով, որ սրբություն է ընտանիքը և ունի համե-



Սիլվա ԱՍՐՅԱՆ

Մեկ այսպես են սովորեցրել...



Մանկավարժական համալսարանի Վ. Թոթովենցի անվան N 57 հիմնական դպրոցի 4^{րդ} դասարանի աշակերտները Կուլտուրայի ֆակուլտետի տոնակահարին ձևավորված դահլիճում ներկայացրին տարրական դպրոցի իրենց ավարտական հանդեսը:

Երեխաները խոսեցին հայրենիքի, լավ սովորելու, ծնողների և ուսուցիչների, ընկերության ու այլ արժեքների մասին՝ ամբողջ ընթացքում պարբերաբար անդրադառնալով Անտուան դը Սենտ-Եգյուպերիի Փոքրիկ Իշխանի ուղերձներին: Հիշեցին անցած տարիների ծանոթ ու անծանոթ դեմքերին, լավ ու վատ օրերը, իրենց բոլոր չարածիժությունները, ընկեր Աբրահամյանի հոգատար վերաբերմունքն ու դիտողությունները: Նաև տխրեցին, որովհետև անցյալում թողեցին ուսումնառության համատեղ տարիները, բայց դասընկերներից մեկը հուշեց՝ մի տխրեք, այդ ամենը մեր հուշերի ու մտքերի մեջ է:

Դպրոցականները ներկաներին պատ-

մեցին՝ ինչ սովորեցին չորս տարիների ընթացքում, ճանաչեցին հայրենիքը, պատմեցին իրենց արմատների մասին, կարոտեցին Արցախ աշխարհը և հույս հայտնեցին՝ անպայման վերադառնալ, երգեցին հայրենիքի, ընկերության ու Արցախի մասին:

Ղարաբաղը մորս կանչն է,
Ղարաբաղը իմ կակաչն է՝
Կարմիր, բայց սև ունի սրտում:

«Եթե շատ ես ուզում երազանքներն իրականանում են: Մի օր անպայման կվերադառնանք Արցախ», - բարձրաձայնեցին փոքրիկները՝ վերադարձի հույսը փայլալայելով իրենց սրտերում:

Ավտոս, որ շուտ մեծացանք, հին տոներն էլ չենք հիշում... Փոքրիկներն արտահայտեցին իրենց փոստանքը, բայց փորձեցին միասին հիշել վարդագույն քաղաք Երևանն ու նրան նվիրված հին երգերը:

Այնքան հաճելի էր լսել, որ երեխաները ծանոթ են հնամյա քաղաքի պատմությանն ու անգամ նրան նվիրված երգերին:

Բենը վերածվել էր հնի ու նորի համադրման շքահանդեսի. չորրորդիկները հետ ու առաջ էին անում ժամանակի մեջ. ներկայացրին նաև ծնողների և իրենց հետ կապված իրական պատմություններ՝ լի անհոգ օրերի չարածիժություններով: «Այն ո՞վ է, որ բոլոր ուրախ ու տխուր պահերին կողքիդ է, իհարկե՛, մայրիկը: Գեղեցիկ խոսքերով ու երգերով գովաբանեցին մայրիկներին:

Մայրս արևն է մեր
Ու մեր գլխի վերև
Ժպտում ու լայն թևերն է տարածում...
Իսկ ի՞նչ սովորեցին դպրոցի տարրական դասարաններում՝ ամբարեցին շատ ու կարևոր գիտելիքներ, ահա ինչու դիմեցին սիրելի ուսուցիչներին. «Դուք մեզ սովորեցրիք, թե ինչ է հոգատարությունը, որ երազանքներն իրականանում են, երբ դրանք դառնում են նպատակներ», ապա բարձրաձայնեցին՝ ով ինչ է ուզում դառնալ ապագայում, որպեսզի զարգացնի հայրենիքը, գինի բանակը:

Փոքրիկները երգեցին՝ երազանքների ճանփան մեզ տանում է վեր, միաժամանակ «ամենախելացի մեծերին» երգով հորդորեցին՝ վերջ տվեք պատերազմներին, որ ամենը երեխաներ չմեռնեն, որ էլ չլացնեն:

Ուր էլ գնանք, պետք է մեր նախնիների ոտնահետքով տուն վերադառանք, որովհետև «այդ կանչի մեջ լավում է Հայկի ու Դավթի, Անդրանիկի ու Զառուհի, Վարդանի ու Սոնթի ծայրը»:

Միջոցառման ավարտը հայրենիքին ուղղված ծոն էր. «Սա իմ երկիրն է՝ չափերով այնպիսին, որ ազատորեն տեղավորել եմ սրտիս մեջ, որ չկորցնեմ հանկարծ...»:

րաշխության գույնը, իսկ «ընտանիքի արևը մայրն է, որը մեզ նայում է երազանքի աչքով»:

Խոսում են ընտանիքում և դպրոցում տիրող եղանակի մասին, որտեղ գերիշխողը ջերմությունն ու հանդուրժողականությունն է:

Ամուր ընտանիք՝ հզոր հայրենիք՝ ամփոփում են երեխաները, ապա մայրիկների և ուսուցիչների հետ շուրջպար բռնում, նկարակալների վրա ամրացրած թղթերի վրա միասին նկարում երջանիկ ընտանիքի պատկեր:

Դպրոցի տնօրեն Նաիրա Տողանյանը շնորհակալություն է հայտնում փոքրիկներին՝ ծավալով փոքր, բայց տարողունակ հրավառության համար: «Այո, հզոր հայրենիք ունենալու համար պետք է ունենալ ամուր ավանդական ընտանիք, այն պահել, արժևորել ու չկորցնել, դրան գունարել մեր հավատն ու եկեղեցին: Հայ ու Հայաստան, հզոր հայրենիք», - ասում է տնօրենը:

«Սիրելի երեխաներ, իսկապես մենք գտել ենք երջանկության բանալին. ընտանեկան երջանկության բանալին փոխադարձ սերն է, հարգանքն ու վստահությունը: Դպրոցն էլ մի ընտանիք է, և մենք ասքրում ենք՝ մեր ձեռքին ունենալով ընտանեկան երջանկության բանալին», - ասում է դասավար Կարինե Զիրուխյանը:

Սիլվա ԱՍՐՅԱՆ

Սիլվա ԱՍՐՅԱՆ



Քանակ-հասարակություն կապի ամրապնդումը՝ օրվա խնդիր

Մանկավարժական համալսարանում հյուրընկալվել էր ՀՀ ՊՆ զորակոչային և զորահավաքային համալրման ծառայության պետի ժամանակավոր պաշտոնակատար, գնդապետ Արեն Սարգսյանը: Նրան ներկայացրեց ՀՀ ՊՆ ռեկտորի խորհրդական Հակոբ Թադևոսյանը՝ ասելով, որ Արեն Սարգսյանը զինվորական ծառայությունից բացի, զբաղվում է գիտությամբ, դասավանդում է, քաղաքագիտության թեկնածու, դոցենտ է, նաև հայտնի է որպես փորձառու իրավաբան:

21 տարի ծառայելով զինվորական համակարգում՝ նա զբաղեցրել է տարբեր պաշտոններ, ամբողջովին տիրապետում է ուլտրաից և ընդգծում է՝ զինվորական ծառայության պատշաճ իրականացումը խորքային հոգեբանական, սոցիալական, դեմոգրաֆիական, արժեհամակարգային համալիր խնդիր է:

Արեն Սարգսյանը խոսեց բանակում միջամտման հարաբերություններով պայմանավորված դեպքերի մասին՝ փաստելով, որ հայրենիքին ծառայելը չի սահմանափակվում երկու տարով կամ կյանքի ընթացքում զինվորական պատշաճ ծառայությամբ:



Այդ տեսանկյունից նա կարևորեց ընտանիքի մոդելը, միջավայրը, կրթությունը:

Ուսանողները ՀՀ ՊՆ զորակոչային և զորահավաքային համալրման ծառայության պետի ժամանակավոր պաշտոնակատարին տարբեր հարցեր ուղղեցին, որոնք վերաբերում էին զորահավաքային զորակոչին, զինվորական ծառայության վիճակահանությանը, հիվանդություններով պայմանավորված՝ ծառայությունից ազատվելուն, տարկետման իրավունքին, զորամասից այլ զորամաս տեղափոխվելուն և այլն:

Արեն Սարգսյանն ուսանողներին հորդորեց ծանոթանալ «Պաշտպան հայրենյաց» ծրագրին, կանանց՝ կամավոր հիմունքներով պարտադիր զինվորական 6-ամսյա ծառայությանը, սպա անդրադարձավ զինկոմիսարիատներում հոգեբանի հաստիքի անհրաժեշտությանը, բանակից խուսափել ցանկացող անձանց նախադեպերին և այլ հարցերի:

Արեն Սարգսյանը վստահեցրեց՝ զինված ուժերը կենդանի օրգանիզմ է. «Պետք է հասնել նրան, որ բանակում, որպես էլիտար միավոր, գնահատվի լավագույնը, ուժեղն ու դիմացկունը»:

Ո՞վ է ազգային հերոս հարցադրմանը՝ գնդապետ Սարգսյանը պատասխանեց՝ իրավական կատեգորիա է, որն իր մեջ ներառում է բարոյական, խրատական, դաստիարակչական տարրեր. ամենահեռավոր նշածողն է, որին պետք է ձգտեն ուղրտուն բոլորը, սակայն այն պետք է հասնելի լինի եզակիներին:

Ուսանողների հետ հանդիպումները կլինեն շարունակական՝ վստահեցրեց Արեն Սարգսյանը, որովհետև ըստ դոցենտ Հակոբ Թադևոսյանի՝ նման հանդիպումները նպաստում են բանակ-հասարակություն կապի ամրապնդմանը, զինվորական ծառայության՝ ժամկետային պարտադիր, պայմանագրային, պահեստազորային հավաքների, զորահավաքի վերաբերյալ երիտասարդների իրազեկվածության բարձրացմանն ու մասնագիտական կողմնորոշմանը»:

«Այս գունավոր աշխարհը սև-սպիտակ լուսանկարներով»

Մայիսի 13-ին «Նարեկացի» արվեստի միությունում տեղի ունեցավ «Այս գունավոր աշխարհը սև-սպիտակ լուսանկարներով» խորագրով լուսանկարչական ցուցահանդեսի բացումը: Ներկայացվել էին ՀՀ ՊՆ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի ուսանողների և շրջանավարտների 50-ից ավելի լուսանկարչական աշխատանքները:

Բացման խոսքով հանդես եկավ արվեստաբան Տաթևիկ Համբարձումյանը: Ցուցահանդեսի կազմակերպիչ, ՀՀ ՊՆ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի ասիստենտ Արմեն Խաչատրյանը կարևորեց լուսանկարչության դերը արդի ժամանակներում: Նա ուսանողներին առաջարկեց համարձակ աշխատել և նոր լուսանկարչական արտահայտչամիջոցներ կիրառել:

ՀՀ ՊՆ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի վարիչ Ռուբեն Երզնկյանը ողջունեց ցուցահանդեսի մասնակիցներին, կարևորեց լուսանկարչական ցուցահանդեսների դերը ուսանողների գեղագիտական ճաշակը ձևավորելու գործում:



Ամբիոնի վարիչն ընդգծեց, որ մեծ հաջողություն է նման ցուցահանդեսում ներառել ամբիոնի շրջանավարտների, ինչպես նաև բակալավրիատի առկա, հեռակա և մագիստրատուրայի ուսանողների աշխատանքները:

Արմեն Խաչատրյանն առաջարկեց երիտասարդների շրջանում գեղարվեստական լուսանկարչությունն առավել կարևորելու համար նման ցուցահանդեսներում ընդգրկել հետաքրքիր լուսանկարներ անող երիտասարդների, ցուցադրել նրանց հետաքրքիր աշխատանքները:

«Այս գունավոր աշխարհը սև-սպիտակ լուսանկարներով» խորագրով լուսանկարչական ցուցահանդեսը նախատեսվում է ներկայացնել նաև այլ ցուցասրահներում:

ՀՐԱԺԵՏ ՏԱՐԻԱԿԱՆ ՊԵՏԱՐԱՆԻՆ

ՀՀ ՊՆ Կուլտուրայի ֆակուլտետի դահլիճում կայացավ ՀՀ ՊՆ-ի N 57 հիմնական դպրոցի 4ա դասարանի ավարտական հանդեսը:

Դպրոցի սաների հրաժեշտը տարրական դպրոցին նշանավորվեց յուրատեսակ «Ոսկե աստղեր» մրցանակաբաշխությամբ. հաղթողներն իրենց դասավանդող ուսուցիչներին էին, որոնք սովորեցրել են լեզուներ, ուղեկցել գիտելիքների կախարհական աշխարհում, կոփել են ֆիզիկապես, սովորեցրել են սիրել հայրենիքը, աշխատանքը, բնությունն ու ճանաչել կյանքը: Մրցանակաբաշխությունն ուղեկցվում էր նաև երգով, պարով, լավ տրամադրությամբ:

Բացի պարզաներից, նրանք իրենց հարգանքի, շնորհակալության խոսքերն ուղղեցին ուսուցիչներին, որ իրենց կրթել են ու տվել լավագույնը՝ գիտելիքի աշխարհի մուտք գործելու ուղին ու բանալին:



Դպրոցի սաները շնորհակալություն հայտնեցին նաև դասվար Ազրաֆինա Հովհաննիսյանին՝ իրենց կրթության ու դաստիարակության գործը պատվով իրականացնելու համար և խոստացան բարձր պահել և՛ դպրոցի, և՛ ուսուցիչների պատիվը:

Դպրոցի տնօրեն Նաիրա Տողանյանը շնորհավորեց երեխաներին, մաղթեց հաջողություններ և հույս հայտնեց, որ տարրական դպրոցի հաջողություններն ու բարձր առաջադիմությունը նրանք կշարունակեն նաև հիմնական դպրոցում:

Դասվար Ազրաֆինա Հովհաննիսյանը հիմնական դպրոց է ճանապարհում արդեն 11-րդ սերնդին: Խոստովանում է՝ ամեն մեկն իր յուրահատկությունն ունի. այս դասարանը տարբերվում է իր ներուժով, ակտիվ ու բարձր առաջադիմությամբ աշակերտներով: Ուսուցիչը վստահ է՝ ճանապարհում է կիրթ ու բանիմաց, հայրենասեր ու ակտիվ աշակերտների, որոնք իրենց ձեռքբերումները կկրկնապատկեն հիմնական դպրոցում:

Մարին ԱՂԵԿՅԱՆ

Նրա անցած ուղին օրինակելի է ապագա մանկավարժների համար

Նրա առաջ խոնարհվում էր Փարիզը, Բեռլինը զգաստ էր կանգնում, Պետերբուրգը տոնում էր, Լոնդոնը՝ ծափահարում, Նյու-Յորքը՝ փոթորկվում...

Նա խաղաղության նոբելյան մրցանակի դափնեկիր, բևեռախույզ, մարդասեր և մեծ հայասեր Ֆրիտյոֆ Նանսենն էր, ում մահը ցնցել էր ամբողջ աշխարհը: Այդ օրը՝ 1930 թ. մայիսի 13-ին, աշխարհը սգում էր, քանի որ կորցրել էր մեծագույն զավակներից մեկին: Նանսենն ինքն էլ իրեն համարում էր աշխարհի զավակը և համոզված էր, որ եթե դու խիղճ ունես, եթե կոչված ես



փրկելու աշխարհը, մոռանում ես ազգություն ու հայրենիք, քո հայրենիքը դադարում է լինել Ռուսաստանը, Անգլիան կամ Ֆրանսիան: Դու դառնում ես ամբողջ աշխարհի, իսկ ամբողջ աշխարհը՝ քոնը, քո հայրենիքը:

Մարդասիրությունը բոլորին է տրված, պարզապես ոչ բոլորն են կարողանում այն դարձնել կյանքի նշանաբան, գործունեության բնագավառ և պարզապես ապրել մարդասիրությամբ: Իսկ նորվեգացի հետազոտողի համար մարդասիրությունը ապրելակերպ էր, շարժիչ ուժ, առանց որի արդեն փառքի գագաթնակետին հասած և պատկառելի տարիքի Նանսենը չէր կարող պատկերացնել իր գործունեությունը: Նա միակն էր, ով իր գործունեությամբ մերձավորի հանդեպ կարեկցանքը բարձրացրեց գործնական քաղաքականության մակարդակի:

Աշխարհահռչակ ճանաչում ձեռք բերած Ֆրիտյոֆ Նանսենն իր հարուստ փորձն ու գիտելիքները մշտապես կիսել է երիտասարդների հետ, քանի որ կրթված և նպատակասլաց երիտասարդներն են կերտում մեր այսօրը, ապագան և հետագայում իրենք էլ իրենց փորձով դառնում ուսուցիչ գալիք սերունդների համար: Նրա ամբողջ գիտական ուղին զուգորդվեց երիտասարդության հանդեպ հոգատարությամբ՝ նրանց մղելով դեպի գիտության ասպարեզ:

Նա ասում էր. «Ձեզնից յուրաքանչյուրը պետք է գտնի իր և միայն իր ճա-



նապարհը: Ընդունեք հեղինակություններին, հարգեք ծերությունն ու փորձը, սակայն անեն ինչից շատ հիմնվեք սեփական հայացքների վրա: Ձեր աչքերը բաց պահեք և տեսեք հնարավորությունները ձեր շուրջը»:

Այս խորհրդով Երևանի Ֆրիտյոֆ Նանսենի թանգարանի հարկի տակ էին հավաքվել Խ. Աբովյանի անվան հայկական պետական մանկավարժական համալսարանի Սկզբնական կրթության ֆակուլտետի տարրական մանկավարժության և մեթոդիկայի բաժնի 2-րդ և 3-րդ կուրսերի ուսանողները՝ դասախոս Արինե Ավագիմյանի ուղեկցությամբ: Թեման մեկն էր՝ Նանսենի մարդասիրական գործունեությունը, որն Առաջին համաշխարհային պատերազմի տարիներին և 1915-ի Հայոց ցեղասպանությունից հետո սովի ճիւղերից ու մահից փրկեց միլիոնավոր մարդկանց, տվեց նրանց պայծառ ապագայի հույս: Թեմայի շրջանակներում թանգարանի աշխատակիցներն ուսանողներին ներկայացրին Նանսենի բեղմնավոր գիտական ուղին, ճանապարհորդությունները, որոնք մեծ ճանաչում և հռչակ բերեցին նրան, ինչպես նաև ճանապարհի հարթեցին դեպի մեծ քաղաքականություն, որտեղ նրա միակ գործիքը դարձավ մարդասիրությունը:

Յուրերը ծանոթացան Նանսենի և Հայաստանի հետ կապի հարյուրամյա պատմությանը: 2025-ին լրանում է ճշմարիտ եվրոպացու՝ Հայաստան կատարած այցի և նրա «Խաբված ժողովուրդ» գրքի 100-ամյակը, սակայն, ցավոք, 100 տարի առաջ բարձրացված հարցերն ու բողոքն այսօր էլ արդիական են: Նանսենը խորությամբ ուսումնասիրել և Ազգերի լիգայի ամբիոնից բարձրաձայնել է հայ ժողովրդի դարավոր պատմության ողբերգական իրադարձություններով էջերը, սատար և պաշտպան կանգնել հայ գաղթականներին: Հայերի շահերի պաշտպանն արդեն ուներ իր հաստատ հանգումներն ու հիասթափությունները՝ եվրոպական քաղաքագետների վարած քաղաքականությունից: Հայության իրավունքների պաշտպանու-

քանչյուր հայ երեխայի առջև մեկ աման տաք ապուրի համար:

Այսպիսին էր Ֆրիտյոֆ Նանսենը՝ մարդասեր, հոգատար, աշխատասեր, խստապահանջ... Նրա անցած ուղին օրինակ է մանկավարժների համար, որոնք պետք է սերունդներ դաստիարակեն և նրանց մեջ սերմանեն մեծ մարդասերի կարգախոսը. «Մարդասիրությունը միակ ռեալ հնարավոր քաղաքականությունն է»:

Այս կարգախոսով էլ հյուրերը հեռացան թանգարանից՝ իրենց հետ տանելով երիտասարդներին ուղղված Նանսենի պատգամը. «Բարեկամներս, դուք երիտասարդներ եք: Ձեր ամբողջ կյանքը լի է ամեն տեսակ հնարավորություններով և արկածներով: Ես վստահ եմ, որ ձեզնից ոմանք ժամանակին այս կամ այն ասպարեզում հայտնի ճանապարհորդ-հայտնագործող կդառնան:



յան համար նա տարբեր միջոցների էր դիմում, իսկ ժողովրդին խորհուրդ տալիս հույսը դնել սեփական կարողությունների վրա: Իր հեղինակած ճամփորդական փաստաթղթի՝ Նանսենյան անձնագրի շնորհիվ 320.000 հայեր կարողացան փրկվել և հայկական օջախներ ստեղծել աշխարհի 54 երկրներում և իրենց գործունեությամբ սատարել ոչ միայն տվյալ երկրի, այլև իրենց հայրենիքի՝ Հայաստանի ծաղկմանն ու զարգացմանը:

Հայ ժողովրդին օգնելու նպատակով արդեն 60 տարեկան Նանսենը շրջում է աշխարհով մեկ և Հայոց ցեղասպանության ու հայ գաղթականներին հայրենիք վերադարձնելու մասին դասախոսություններ կարդում ԱՄՆ-ում, եվրոպական մի շարք երկրներում և գումար հավաքում: Այդ գումարներով Նանսենը կարողանում է Հայաստան բերել շուրջ 7000 հայ գաղթականներին: Նանսենի ջանքերով Սիրիայում (Հալեպի Նոր գյուղ թաղամասում) և Լիբանանում (Բուրջ Համուդում) գաղթականների համար հիմնվում են ավաններ, որբանոց:

Երբ սպառնում են հայ ժողովրդի համար գումար հայթայթելու բոլոր հնարավոր միջոցները, մեծ գիտնականն իր լայնեզր գլխարկը պարզում և ողորմություն է հավաքում յուրա-

կյանքում մենք բոլորս հայտնագործողներ ենք, ինչ ճանապարհով էլ գնալիս լինենք:

Սակայն անկախ այն բանից, դուք բնախույզ կդառնաք թե ոչ, ուզում եմ խորհուրդ տալ ձեզ՝ կյանքում ոչ մի դեպքում չնահանջեք ձեր սկսած գործից, քանի դեռ այն չեք կատարել: Գործին մվիրաբերեք ձեր սիրտը, ձեր հոգին: Գործը կիսատ չթողեք: Ձեր ուժերի ներածի չափով այն մինչև վերջ հասցրեք: Եվ մի հանգստացեք այնքան ժամանակ, մինչև որ չզգաք՝ ավելի լավ այլևս չեք կարող կատարել:

Ես համոզված եմ, որ դա է կյանքում իսկական հաջողության հասնելու կարևոր գաղտնիքը, և միայն այդպես դուք կարող եք բավականություն զգալ այն գիտակցությունից, որ գործում եք այնպես, ինչպես վայել է իսկական մարդուն: Քանզի մենք բոլորս լույս աշխարհ ենք եկել աշխատանքի մեր բաժին մասը կատարելու համար: Իսկ չէ՞ որ ձեզ է վիճակված ստեղծել ապագան, աշխարհն ավելի լավ դարձնել, քան կա այսօր»:

Անահիտ ՎՐԴԱՆՅԱՆ
Ֆրիտյոֆ Նանսենի
թանգարանի գլխավոր
ավանդապահ



Հայկական պատմական ժառանգության հետքերով

2024 թվականի մայիսի 12-ին, ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցում, հայոց լեզվի դասերին զուգահեռ, «Թանգարանների միջազգային օրվան» ընդառաջ տեղի ունեցավ բաց դաս, որի ընթացքում դպրոցի սաները և մեկ անգամ հիշեցին ու նշեցին այն բոլոր թանգարանները, արվեստի օջախները, որոնց մասին բազմիցս խոսվել էր ուսումնական տարվա ընթացքում: Աշակերտներից ոմանք արդեն իսկ այցելել էին այդ թանգարաններն ամառային արձակուրդներին դպրոցի կողմից կազմակերպված էքսկուրսիաների ընթացքում (Սիլվա Կապուտիկյանի, Հովհաննես Թումանյանի, Արա Սարգսյանի և Հակոբ Կոջոյանի, Սարտիրոս Սարյանի, Եղիշե Չարենցի տուն-թանգարանները և այլն):

Հավելենք, որ 1978 թվականից մայիսի 18-ին «Թանգարանների միջազգային օրը» սկսել են նշել ավելի քան 150 երկրներում, իսկ Հայաստանում՝ 2005 թվականից:



Ուսուցչական համակազմը ներկայացրեց այն ցանկը, որոնք առաջնային են հայրենիքում այցելության համար՝ մասնավորապես Մատենադարանը, Հայաստանի պատմության թանգարանը, Հայաստանի ազգային պատկերասրահը, Գրատպության թանգարանը (Երևան): Անդրադարձ եղավ նաև Գյումրիում գործող մշակութային օջախներին:

Առանձին ներկայացվեցին երաժշտության հետ առնչություն ունեցող թանգարանները, մասնավորապես Ալեքսանդր Սպենդիարյանի (1963 թ.), Արամ Խաչատրյանի (1978 թ.), Լուսինե Չաքարյանի տուն-թանգարանները (2019 թ.), Կոմիտասի անվան թանգարան-ինստիտուտը (2014-2015 թթ), Շառլ Ազնավուրի կեցավայր-թանգարանը (2011 թ.):

Հուշարձանների և տեսարժան վայրերի միջազգային օրվա շրջանակներում (նշվում է 1983 թվականից ապրիլի 18-ին) խոսվեց նաև Հայաստանի պատմական վայրերի մասին, որոնցից շատերը համարվում են համաշխարհային ժառանգության կոմպլեքսային ժառանգության պահպանության բնագավառում անկախ Հայաստանի վավերացրած առաջին միջազգային փաստաթղթերից է, որը վավերացրել է 1993 թ. սեպտեմբերի 5-ին: Մայր Աթոռ Սուրբ Էջմիածնի տաճարը, Սուրբ Հռիփսիմեի և սուրբ Գայանեի եկեղեցիները, Ջվարթնոց հնէաբանական հուշարձանը, Գեղարդ, Սանահին, Հաղպատ վանական համալիրները, Ազատ գետի վերին հոսքը, որոնք ներառված են ՅՈՒՆԵՍԿՕ-ի նյութական մշակութային ժառանգության ցուցակում: Գովելի է, որ ՅՈՒՆԵՍԿՕ-ի ոչ նյութական մշակութային ժառանգության ցուցակը վերածնունդից ենթարկվող ներկայացրին զեկույցներով՝ պատմելով հայկական խաչքարերի, «Սատունցի Դավիթ» հերոսական էպոսի, ավանդական «Քոչարի» պարի, հայոց տառերի գրելու արվեստի ու հայկական լավաշի մասին համաշխարհային մշակութային գանձարանում որպես իրենց նախնիների ներդրում, որը եկել, պահպանվել ու մեզ է հասել դարերով:

ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոց



Կարևորելով մանկավարժական պրակտիկան

Ժամանակակից աշխարհում այսօր առաջնահերթ է դառնում համերաշխության և համագործակցության մանկավարժության վրա հիմնված կրթության կազմակերպումը, կրթություն, որը հնարավորություն է տալիս սովորողներին և մանկավարժներին վերափոխել աշխարհը՝ միասին աշխատելով փոխվարժական մթնոլորտում: Այն ենթադրում է մասնակցային, համագործակցային, խնդիրները վեր հանող, ինտերակտիվ ուսումնառություն՝ հիմնված կարողությունների ձևավորման և զարգացման վրա:

Կարևորելով արդի տեղեկատվական դարում մեդիակրթության առաջնայնությունը՝ ՅՈՒՆԵՍԿՕ-ն 2002 թ. Սկիյան կոնֆերանսի ժամանակ շեշտադրում է հետևյալը. «Խորհուրդ է տրվում մեդիակրթությունը ներառել և ազգային կրթական համակարգում՝ որպես պարտադիր առարկա, և ինքնակրթության ու շարունակական կրթության ոլորտներում»:

Յուրաքանչյուր մարդու կյանքում կարևոր դեր ունի մեդիան՝ ձևավորելով արժեքներ, սոցիալական նորմեր, վարք, կյանքի սցենարներ և աշխարհի ամբողջական պատկեր: Մեդիակրթության նպատակն է նոր սերնդին նախապատրաստել ժամանակակից տեղեկատվական հասարակության պայմաններում ապրելուն, հասկանալուն ու գիտակցելուն մարդու հոգեկանի վրա զանգվածային տեղեկատվության ազդեցության մեխանիզմները:

Կարևորելով մեդիակրթությունը՝ մենք՝ Սկզբնական կրթության ֆակուլտետի 3-րդ կուրսի ուսանողներս, ակտիվ-կիրառական պրակտիկայի շրջանակներում, Ս.Սպանդարյանի անվան N 24 հիմնական դպրոցի 2-րդ դասարանում, մեթոդիստ Տաթևիկ Ենոքյանի ղեկավարությամբ, իրականացրինք ինտեգրված բաց դաս-միջոցառում՝ «Մեդիակրթություն-«Անձնական տվյալների գաղտնիություն» խորագրով:

Բաց դասի նպատակն էր՝ զարգացնել սովորողների խոսքն ու քննադատական մտածողությունը, նպաստել անձնական տվյալների և դրանց գաղտնիության մասին գիտելիքների ձեռքբերմանը, ձևավորել լրատվությունը վերլուծելու հմտություններ:

Բաց-դասի ընթացքում կիրառել ենք մի շարք փոխներգործուն մեթոդներ, խաղեր, տեղեկատվական գործիքներ, խմբային աշխատանք, դերային խաղ:

Բաց դաս-միջոցառմանը ներկա էին Սկզբնական կրթության ֆակուլտետի ղեկան Հ. Խաչատրյանը, Մանկավարժության ամբիոնի դասախոս Լ. Պողոսյանը, Հանրային լրագրության ակումբի ներկայացուցիչ Հ. Փայտյանը, դպրոցի տնօրինությունը և ուսուցչական կազմը:

Արուս ԱՅՎԱԶՅԱՆ
Սկզբնական կրթության ֆակուլտետ
Տարրական մանկավարժություն և մեթոդիկա
բաժնի 3-րդ կուրս

Ուսումնական տարեվերջն ամփոփեցին համերգային ծրագրով

Մանկավարժական համալսարանի մշակութային ֆակուլտետների ու ամբիոնների նախաձեռնությամբ կազմակերպվող տարեվերջյան համերգները ավանդական են դարձել: Այս անգամ Գեղարվեստական կրթության ֆակուլտետի Երաժշտության մանկավարժության ամբիոնի նախաձեռնությամբ կազմակերպվել էր հաշվետու համերգ, որի նպատակն էր ներկայացնել ուսումնական տարվա տարբեր կուրսերի երաժշտական խմբերի ու անհատ կատարողների մասնագիտական-կատարողական ձեռքբերումները:

Համերգը առանձնահատուկ էր նրանով, որ ուսանողները ելույթ էին ունենում երաժիշտ-մանկավարժների հետ, ինչը յուրահատուկ հարթակ էր պրոֆեսիոնալ երաժիշտների հետ մեկ բեմում միաժամանակ հանդես գալու համար:

Ներկաները սիրով ընթռշնեցին հայ և համաշխարհային կոմպոզիտորների՝ Կոմիտասի, Էդուարդ Բաղդասարյանի, Առնո Բաբաջանյանի, Ալեքսանդր Սպենդիարյանի, Էդուարդ Աբրահամյանի, Շոպենի, Նիկոլո Պադամինիի, Աստոր Պիացոլայի, Սերգեյ Ռախմանինովի, Ֆերենց Լիստի և այլոց հանրաճանաչ ստեղծագործությունները:

Բազմաբնույթ ծրագրում ներառված դաշնամուրային, ջութակով ու ակորդեոնով ստեղծագործական կատարումները հետաքրքիր էին, որոնք նորովի մատուցվեցին հանդիսատեսին:

Համերգի մեկնարկը վոկալ անսամբլի ելույթով տրվեց և ավարտվեց Խաչատուր Ավետիսյանի և Ալեք-



սանդր Հարությունյանի ստեղծագործություններով՝ քանոնահարների անսամբլի կատարմամբ:

Երաժշտության մանկավարժության ամբիոնի վարիչի պաշտոնակատար Աննա Հարությունյանը գոհ էր դասախոսական և ուսանողական համատեղ աշխատանքի արդյունքից, իրենց երախտիքի խոսքն արտահայտեցին նաև ուսանողները: Իսկ հանդիսատեսն իր վերաբերմունքն արտահայտեց ծափերով: Երաժշտական բազմաբնույթ ծրագիրը հաջողվեց. պետք է ընդգծել, որ լսարանային դասերից դուրս նման համերգները առավել հետաքրքիր են դարձնում ուսանողի առօրյան՝ ապագա մանկավարժ-երաժիշտներին համար դառնալով գիտելիքների յուրօրինակ ստուգատես:

ՀԱՅՏԱՐԱՐՈՒԹՅՈՒՆ

Խաչատուր Աբովյանի անվան հայկական պետական մանկավարժական համալսարանը հայտարարում է 2024/2025 ուսումնական տարվա հայցորդական /հետբուհական/ կրթության ընդունելություն (վճարովի հիմունքներով)

Հայցորդական (հետբուհական) կրթության ընդունելության մրցույթին կարող են մասնակցել պետական և հավատարմագրված ոչ պետական բուհերի շրջանավարտներ, ովքեր ունեն մագիստրոսի կամ բարձրագույն կրթությամբ մասնագետի դիպլոմ:

Դիմորդները ներկայացնում են հետևյալ փաստաթղթերը.

1. Դիմում համալսարանի ղեկավարին՝ նշելով ընտրված մասնագիտությունը
2. Մագիստրոսի կամ դիպլոմավորված մասնագետի կամ օրդինատորի դիպլոմի և դրա հավելվածի պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին)
3. Անձնագրի և սոցիալական քարտի պատճենները:
4. 2 սպազմած հոդված կամ ընտրված մասնագիտությունից գիտական ռեֆերատ
5. 3 լուսանկար (3x4 չափի)
6. Ինքնակենսագրություն (CV)

Փաստաթղթերը ընդունվում են հայտարարության հրապարակման օրից մինչև նոյեմբերի 1-ը ներառյալ:

Տեղեկությունների համար դիմել հետևյալ հասցեով՝ Երևան, Տիգրան Մեծի 17, 2-րդ հարկ, Գիտահետազոտական կենտրոն՝ 206 սենյակ, հեռ.՝ 59-70-29:

Գրանցման վկայական՝ 01U00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaperaspu.am, asryansilva@gmail.com Ծավալը՝ 2 տալ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը կարող էք կարդալ ՀՊՄՀ կայքում՝ www.aspu.am

Գլխավոր խմբագիր՝
Սիլվա ԱՄՐՅԱՆ
Բանասիրական գիտությունների բեկնածու
Էջաղումը՝ Պետրոս ՎԱՐԴԱՆՅԱՆԻ